

MALEN URRETABIZKAIA MATEOS

A Maila | Bertsoa | 1. saria

Ni Malen naiz, 17 urteko Lazkaotarra. Nire azken urtea da San Benito Ikastolan, baina oraindik ibilbide luzea daukat egiteko pertsonalki eta profesionalki. Nire zaletasunen artean musika, zinema eta lagunen artean egotea dira nabarmenenak. Ea gustatzen zaizuen nire bertsoa!



GORPUTZAREN ARDATZAK

Jasoaz mila bat zama

jo dut ispiluarengana

Saiatu arren ez zait gustatzen

bertan ikusten dudana (BIS)

Nahi nuke sabel zapala

gorputz lerdena argala

XS galtzetan sartzea

lortzeko nola edo hala (BIS)

Inbidi handia dizut

zure gorputzik nik ez dut

Irudi hori nahi nuke baina
ez da argaltzen muxutruk (BIS)

Izan lodi ta zabala
edo hezur bistan azala
Duzuna duzula ere berdin du
ez da gorputz ideala (BIS)

Objektu baten modura
saltzen naute ni mundura
jendearen kritika guztiak
epaituz nire itsura (BIS)

Gorputzaren garrantzia
hain da ta erakargarria
Hezur ta azal bakarrik banintza
non da ordun gizakia? (BIS)

Edertasunan esklabu
esteriotipoen gatibu
Nik aske izan nahi nuke baina
hori egiten ba al dakigu? (BIS)

Ez dago konplexurik

ez duen gorputzik

minduko ez zuena

zenbait hitz itsusik (BIS)

Saiatuz ea al dedan

ohartu al dudan eran

Nire kiloak baino ez al dago

zure iritzia soberan? (BIS)

Belarri gorren antzera

begi itsukin batera

Gorputzak onar ditzagun denok

saiatuz danok batera (BIS)